

№16  
(1450)  
2023 YIL  
27-APREL

# O'ZBEKISTONDA SOG'LIQNI SAQLASH

ЗДРАВООХРАНЕНИЕ  
УЗБЕКИСТАНА



Т.рел'o'zbekistondasog'liqlislaqlash

IJTIMOYIY-SIYOSIY GAZETA ♦ 1995 YIL OKTYABR OYIDAN CHIQA BOSHLAGAN

## ХАЛҚАРО ҲАМКОРЛИК

### “ROCHE” КОМПАНИЯСИ БИЛАН ҲАМКОРЛИК МЕМОРАНДУМИ ИМЗОЛАНДИ



Соғлиқни сақлаш вазирлигида Швейцариянинг машҳур фармкомпанияси – “Roche” вакиллари билан мулоқот бўлиб ўтди. Унда умуртқа мушаклари атрофиясига чалинган болаларни қўллаб-қувватлаш дастурини амалга ошириш ва онкология соҳасидаги ҳамкорлик истиқболлари муҳокама қилинди.

Давоми 2 - бетда▶

## TIBBIYOT OLAMIDA

### САМАРҚАНДДА ЎЗБЕКИСТОН – ГЕРМАНИЯ ХАЛҚАРО ТИББИЁТ ФОРУМИ ЎТҚАЗИЛАДИ

Кунни кеча Соғлиқни сақлаш вазири Амрилло Иноятов Германия Федератив Республикасининг мамлакатимиздаги Фавқулодда ва мухтор элчиси Тило Клиннер билан мулоқот ўтказди. Учрашувда тиббиёт соҳаси бўйича кўп қиррали алоқаларни кенгайтириш, ўзаро ҳамкорликда янги лойиҳаларни амалга ошириш масалалари муҳокама қилинди. Мулоқот давомида шу йилнинг 26-27 май кунлари Самарқанд шаҳрида Ўзбекистон – Германия халқаро тиббиёт форуми ўтказилиши юзасидан келишувга эришилди.



## ТАЖРИБА ВА АМАЛИЁТ ТИББИЁТНИНГ МУҲИМ ПОЙДЕВОРИДИР

Этирофлиси шундаки, Давлатимиз раҳбари томонидан инсон саломатлиги ва унинг қадри учун мамлакатимиз тиббиёт тизимида кенг қамровли ишлар амалга оширилмоқда. Айниқса, хорижий давлатлар билан соҳадаги халқаро ҳамкорлик фаолиятларининг самарали йўлга қўйилганлиги амалдаги ишларимизда ўзининг ижобий натижаларини бераётганлиги ҳеч биримизга сир эмас.

Давоми 4 - бетда▶



ЎЗБЕКИСТОН RESPUBLIKASI  
АДЛИЯ ВАЗИРЛИГИ

### Шифохоналарда даволанаётган ногиронлиги бўлган болага ғамхўрлик қилаётганлар бепул овқат билан таъминланади

Шифохоналарда даволанаётган ногиронлиги бўлган болага ғамхўрлик қилаётган шахсларга боланинг ёнида бўлиш учун шароит яратилади. Мазкур давр учун меҳнатга лаёқатсизлик варақаси ва бепул овқат берилади.

## УЛЬТРАТОВУШ ХИРУРГЛАРИ АССОЦИАЦИЯСИ ТАШКИЛ ЭТИЛДИ



2023 йилнинг 24 апрель кунини поймақтимизда яна бир халқаро ҳамкорликка бағишланган тадбир бўлиб ўтди. Мазкур тадбирда Осиё ультратовуш хирурглари ассоциацияси билан Ўзбекистон ультратовуш хирурглари ассоциацияси ўртасида мақсадли меморандум имзоланди.

Давоми 2 - бетда▶

### Кўкрак нишони билан тақдирланди

Яқинда Боку шаҳрида Германия–Озарбайжон–Туркия олтинчи тиббиёт Конгресси бўлиб ўтди. Унда 60 га яқин хорижий меҳмонлар қаторида юртимиз делегацияси ҳам иштирок этди. Соғлиқни сақлаш вазири Амрилло Иноятовнинг Конгресс қатнашчиларига видеотабригини йўллади. Тиббиёт соҳасида ўзаро ҳамкорликни мустаҳкамлашга қўшаётган муносиб ҳиссаси учун М.Топчубашов номидаги жарроҳлик илмий маркази бўлим мудири, Озарбайжон каминвазив жарроҳлик жамияти президенти Гурбанхан Муслимов “Ўзбекистон Республикаси Соғлиқни сақлаш аълочиси” кўкрак нишони билан тақдирланди.



Бугунги сонда:

УЛЬТРАТОВУШ ХИРУРГЛАРИ АССОЦИАЦИЯСИ ТАШКИЛ ЭТИЛДИ 2

ХОРИЖЛИК ҲАМКАСЕБЛАР ҲАЙРАТГА ТУШИШМОҚДА 5

ҚАЛЪ ТАШАККУРИМ СИЗЛАРГА 6

## ХАЛҚАРО ҲАМКОРЛИК

# “ROCHE” КОМПАНИЯСИ БИЛАН ҲАМКОРЛИК МЕМОРАНДУМИ ИМЗОЛАНДИ

Учрашувда компаниянинг Марказий ва Шарқий Европа, Туркия, Россия, Ҳиндистон субконтиненти бўйича раҳбари Адриано Треве, Қозоғистондаги ваколатхонаси раҳбари Тойлэн Сенел, Албаниядаги вакили Анна Савинкина, шунингдек, “Roche”нинг Ўзбекистондаги ҳамкорлари Ольга Черных ва Шоҳида Сорбатти иштирок этди. Қайд этилганидек, “Roche” дунёдаги энг йирик биотехнологик компаниялардан бири бўлиб, АҚШ, Германия, Швейцария ва Син-

гапурда ишлаб чиқарувчи корхоналарига эга. У онкология, иммунология, юқумли касалликлар, офтальмология ва марказий асаб тизими касалликлари учун табақалаштирилган дори воситалари ишлаб чиқарувчи ва “in vitro” диагностика, тўқималарга асосланган саратон диагностикасининг етакчи провайдерлари ҳисобланади. Мулоқот чоғида вазир Амрилло Иноятов ташкилот вакиллариغا кенг қўламли ва узок муддатли ҳамкорлик, жумладан, ушбу компания томонидан ишлаб чиқарилаётган

препаратларнинг минтақавий локализациясини мамлакатимизда ташкил этиш таклифини берди.

Юртимизга биотехнология асосида ишлаб чиқаришнинг кириб келиши фармацевтика sanoatida инқилобий ҳодисага айланиши, шубҳасиз. Компания мутахассисларининг таъкидлашича, бунинг учун бир неча йиллик тайёргарлик ва мустақкам моддий-техник база шаклланиши лозим. Бу бўйича келгусида мулоқотлар давом этиши келишиб олинди. Учрашув сўнгида спинал



мушак артофиясига чалинган бемор болалар учун генетик препаратларни харид қилиш


бўйича меморандум имзоланди.

@ssvuz

## ЎЗБЕКИСТОН – КОРЕЯ

Таъкидлаш муҳимки, Осиё ультратовуш хирурглар ассоциацияси 2018 йилда Жанубий Кореянинг Сеул шаҳрида Осиё ультратовуш хирурглар Ассоциацияси президенти, Корея Католик Университети хирургия кафедрасининг фахрли профессори Ил Ёнг Парк томонидан ташкил қилинган. Мазкур ассоциацияга Корея, Хитой, Япония ва Осиё давлатларидан 400 дан ортиқ хирург профессор -- олимлар аъзо бўлишган.

Айтиш лозимки, ҳамкорларнинг асосий таширларидан мақсад, Ўзбекистонда ультратовуш хирурглар ассоциацияси президентини тайинлаш ва илмий анжуманлар ўтказиш, шунингдек, Ўзбекистонда ультратовуш хирурглар ассоциацияси ва Осиё ультратовуш хирурглар ассоциацияси ўртасида ҳамкорлик меморандумини тузиш ва имзолашдан иборат бўлди.



Албатта, мақсадли ҳамкорлик қуйидаги муҳим вазифаларни ўз ичига олади.

Янги илғор технологияларни ишлаб чиқиш ва клиник амалиётларда беморларни соғайтириш ва реабилитация қилишда қўллаш ҳамда ўзаро тажриба алмашиш. Йўналиш бўйича соғломлаштириш туризмни


## УЛЬТРАТОВУШ ХИРУРГЛАРИ АССОЦИАЦИЯСИ ТАШКИЛ ЭТИЛДИ

йўлга қўйиш. Ўзаро илмий анжуман, семинар ҳамда клиник маслаҳатларни олиб бориш. Илмий маълумотлар, илмий мақола ва адабиётлар билан ўзаро фикрлашиб, тажрибаларни бойитиш. Меморандум асосида тузилган лойиҳаларни амалиётга қўллаш чораларини ишлаб чиқиш ҳамда ўзаро доимий маслаҳатларни йўлга қўйиш

дан иборатдир.

Бўлиб ўтган ҳамкорлик йиғилишида Осиё ультратовуш хирурглар ассоциацияси президенти, Кореянинг Католик Университетининг хирургия кафедрасининг фахрий профессори Ил Ёнг Парк, мазкур ассоциация президенти секретари, Кореянинг ЧА университети профессори Хай Линк Парк,

ассоциациянинг директори, Кореянинг Католик университети профессори Санг Сеоб Ёнг, ассоциация директори ёрдамчиси Монголиядаги Сукхбаатар клиникаси директори Бат-Иредул Пуревбаатар иштирок этишди. Шу билан бирга юртимиз тиббиёт муассасаларида фаолият олиб бораётган хирурглар ҳам қатнашишди. Йиғилишда мамлакатимизга ташир



буюрган мазкур ассоциациянинг вакиллари сўзга чиқиб, самимий табрикларини изҳор этиб, мақсадли ҳамкорлик тўғрисида ўз фикрларини билдириб ўтишди. Ўзбекистон ультратовуш хирурглари ассоциацияси президенти, Бухоро Давлат тиббиёт институти декани, профессор Баҳодир Сафоев сўзга чиқиб, мазкур ассоциация билан беш йилдан буён ҳамкорлик борасида олиб борилган ишларга тўхталиб, иштирокчиларга ўзи тақдимотини ҳавола этди. Шунингдек, Осиё ультратовуш хирурглари ассоциацияси вакиллари хабар қилдики, ҳолда фаолиятларида қўлланган амалиётларни слайд ва видеолар асосида изоҳлаб, маъруза қилдилар. Тадбир якунида Осиё ультратовуш хирурглар ассоциацияси президенти Ил Ёнг Парк ва Ўзбекистон ультратовуш хирурглар ассоциацияси президенти Баҳодир Сафоевлар ўртасида ҳамкорлик меморандуми имзоланди.

*Хулоса ўрнида айтиш жоизки, бундай ўзаро халқаро ҳамкорлик икки давлат ўртасидаги дўстона ҳамкорлик ришталарини мустақкамлаш билан бирга, инсонлар саломатлигин муҳофаза қилиш, шунингдек, тиббиёт ходимларининг малакасини оширишда муҳим пойдевор бўлиб хизмат қилади.*

Ибодат СОАТОВА,  
журналист.

ҲАМКОРЛИК ИСТИҚБОЛЛАРИ

## ЖССТ ЮРТИМИЗДА ТИББИЁТ ТРАНСФОРМАЦИЯСИ УЧУН ЯҚИНДАН КЎМАК БЕРИШГА ТАЙЁР

Кунни кеча Соғлиқни сақлаш вазирлигида Жаҳон соғлиқни сақлаш ташкилоти Европа минтақавий бюросининг Европа мамлакатларида сиёсат ва соғлиқни сақлаш бўлими директори Наташа Аззопарди Мускат бошчилигидаги делегация билан учрашув ўтказилди.

Ҳаётини сақлаб қолиш имкони берганини мамнуният билан қайд этди. Шунингдек, ташкилот кўмагида мамлакатимизга келтирилган COVID-19 га қарши вакцина, тиббий жиҳоз ва препаратлар пандемияни жиловлашда катта самара бермоқда. Мулоқот давомида Наташа Аззопарди Мускат Ўзбекистонга илк сафари таассуротларга бой кечаётгани,

Мулоқот аввалида ва-  
зир Амрилло Иноят  
коронавирус пандемияси дав-  
рида ЖССТнинг Ўзбекистонга  
кўрсатган бекиёс ёрдами учун

миннатдорлик билдириб, ай-  
ниқса, ташкилот томонидан  
касалликни даволаш бўйича  
ишлаб чиқилган тавсиялар  
юртимизда минглаб инсонлар



мамлакатимизда соҳани транс-  
формация қилиш учун ЖССТ  
яқиндан ёрдам кўрсатишга  
тайёр эканлигини таъкидлади.  
Учрашувда аҳоли сало-

матлигини таъминлашга  
доир қатор йўналишлар  
бўйича ҳамкорлик истиқбол-  
лари муҳокама қилинди.  
Намозжон ТОЛИПОВ.

## ЭЪЛОН

Соғлиқни сақлаш вазирлиги тизимидаги давлат тиббиёт ташкилотларининг мутахассисларини хорижий мамлакатларнинг етакчи тиббиёт ва илмий муассасаларига 1-3 ой муддатга малака ошириш ва қайта тайёрлашга юбориш мақсадида

### ТАНЛОВ ЭЪЛОН ҚИЛИНАДИ

Танлов тегишлилиги бўйича Қорақалпоғистон Республикаси соғлиқни сақлаш вазирлиги, Тошкент шаҳар ва вилоятлар соғлиқни сақлаш бошқармаларида ишчи комиссия томонидан суҳбат асосида 2023 йил 20 май кунини ўтказилади.

Танловда иштирок этиш учун қуйидаги ҳужжатлар тақдим этилади:

- Ишчи комиссияси раиси номига таълимнинг шакли ва йўналиши кўрсатилган, белгиланган тартибдаги ариза (Ариза намунаси илова қилинади);
- Белгиланган шаклдаги маълумотнома-объективка (анкета);
- Давлат тиббиёт ташкилоти раҳбарининг номзодни хорижий тиббиёт ва илмий муассасаларда малака ошириши ёки қайта тайёрлаш зарурлиги кўрсатилган тавсияномаси;
- Олий таълим муассасасини тугатганлигини тасдиқловчи диплом нусхаси;
- Илмий даражаси ва илмий унвонини тасдиқловчи дипломларнинг нусхаси (агар мавжуд бўлса);
- Меҳнат дафтарчаси нусхаси;
- Паспорт нусхаси;
- Чет тилдан билим даражасини белгиловчи амалдаги миллий ёки халқаро сертификат (Миллий квалификация сертификати, IELTS, TOEFL ва уларга тенглаштирилган), агар мавжуд бўлса.

Ушбу ҳужжатлар қуйидаги:

Қорақалпоғистон Республикаси Соғлиқни сақлаш вазирлиги [info.mz.rk@ssv.uz](mailto:info.mz.rk@ssv.uz);  
Андижон вилояти соғлиқни сақлаш бошқармаси [andijon.vssb@ssv.uz](mailto:andijon.vssb@ssv.uz);  
Бухоро вилояти соғлиқни сақлаш бошқармаси [bukhara.vssb@ssv.uz](mailto:bukhara.vssb@ssv.uz);  
Жиззах вилояти соғлиқни сақлаш бошқармаси [jizzax.vssb@ssv.uz](mailto:jizzax.vssb@ssv.uz);  
Қашқадарё вилояти соғлиқни сақлаш бошқармаси [qashqadaryo.vssb@ssv.uz](mailto:qashqadaryo.vssb@ssv.uz);  
Навоий вилояти соғлиқни сақлаш бошқармаси [navoiy.vssb@ssv.uz](mailto:navoiy.vssb@ssv.uz);  
Наманган вилояти соғлиқни сақлаш бошқармаси [namangan.vssb@ssv.uz](mailto:namangan.vssb@ssv.uz);  
Самарқанд вилояти соғлиқни сақлаш бошқармаси [samarkand.vssb@ssv.uz](mailto:samarkand.vssb@ssv.uz);  
Сирдарё вилояти соғлиқни сақлаш бошқармаси [sirdaryo.vssb@ssv.uz](mailto:sirdaryo.vssb@ssv.uz);  
Сурхондарё вилояти соғлиқни сақлаш бошқармаси [srx.vssb@ssv.uz](mailto:srx.vssb@ssv.uz);  
Тошкент вилояти соғлиқни сақлаш бошқармаси [toshkent.vssb@ssv.uz](mailto:toshkent.vssb@ssv.uz);  
Фарғона вилояти соғлиқни сақлаш бошқармаси [fargona.vssb@ssv.uz](mailto:fargona.vssb@ssv.uz);  
Хоразм вилояти соғлиқни сақлаш бошқармаси [horezm.vssb@ssv.uz](mailto:horezm.vssb@ssv.uz);  
Тошкент шаҳар соғлиқни сақлаш Бошқармаси [toshkentshahar@ssv.uz](mailto:toshkentshahar@ssv.uz) манзил-  
ларига юборилади.

Маълумот учун телефон рақами: 71-239-48-36

## ОБЪЯВЛЕНИЕ

### ОБЪЯВЛЯЕТСЯ КОНКУРС

для специалистов медицинских учреждений системы Министерства здравоохранения Республики Узбекистан для повышения квалификации и переподготовки в ведущих медицинских и научных учреждениях зарубежных стран сроком обучения 1-3 месяца  
Конкурс состоится в Министерстве здравоохранения Республики Каракалпакстан, Главном управлении здравоохранения города Ташкента, областных управлениях здравоохранения на основе собеседования рабочей комиссией 20 мая 2023 года.

Для участия в конкурсе необходимы следующие документы:

- заявление в установленном порядке на имя Председателя Рабочей комиссии с указанием формы и направления обучения (прилагается образец Заявления);
- справка-объективка (анкета), в установленной форме;
- рекомендация руководителя государственной медицинской организации о необходимости переподготовки и повышения квалификации кандидата в зарубежных медицинских и научных учреждениях;
- копия диплома об окончании высшего образовательного учреждения;
- копии дипломов, подтверждающих ученую степень и ученое звание (при наличии);
- копия трудовой книжки;
- копия паспорта;
- действующий национальный или международный сертификат, определяющий уровень знания иностранного языка (Национальный квалификационный сертификат, IELTS, TOEFL и др.), если таковой имеется.

Данные документы направить по электронной почте в:

Министерство здравоохранения Республики Каракалпакстан [info.mz.rk@ssv.uz](mailto:info.mz.rk@ssv.uz);  
Управление здравоохранения Андижанской области [andijon.vssb@ssv.uz](mailto:andijon.vssb@ssv.uz);  
Управление здравоохранения Бухарской области [bukhara.vssb@ssv.uz](mailto:bukhara.vssb@ssv.uz);  
Управление здравоохранения Джизакской области [jizzax.vssb@ssv.uz](mailto:jizzax.vssb@ssv.uz);  
Управление здравоохранения Кашкадарьинской области [qashqadaryo.vssb@ssv.uz](mailto:qashqadaryo.vssb@ssv.uz);  
Управление здравоохранения Навоийской области [navoiy.vssb@ssv.uz](mailto:navoiy.vssb@ssv.uz);  
Управление здравоохранения Наманганской области [namangan.vssb@ssv.uz](mailto:namangan.vssb@ssv.uz);  
Управление здравоохранения Самаркандской области [samarkand.vssb@ssv.uz](mailto:samarkand.vssb@ssv.uz);  
Управление здравоохранения Сырдарьинской области [sirdaryo.vssb@ssv.uz](mailto:sirdaryo.vssb@ssv.uz);  
Управление здравоохранения Сурхандарьинской области [srx.vssb@ssv.uz](mailto:srx.vssb@ssv.uz);  
Управление здравоохранения Ташкентской области [toshkent.vssb@ssv.uz](mailto:toshkent.vssb@ssv.uz);  
Управление здравоохранения Ферганской области [fargona.vssb@ssv.uz](mailto:fargona.vssb@ssv.uz);  
Управление здравоохранения Хорезмской области [horezm.vssb@ssv.uz](mailto:horezm.vssb@ssv.uz);  
Главное управление здравоохранения города Ташкента [toshkentshahar@ssv.uz](mailto:toshkentshahar@ssv.uz).  
Телефон для справок: +998 (71) 239-48-36

## НАМУНА

Ўзбекистон Республикаси  
Соғлиқни сақлаш вазири  
А. Ш. Иноятовга  
Республика ихтисослаштирилган  
онкология ва радиология илмий-  
амалий тиббиёт марказининг  
ходими \_\_\_\_\_ дан  
(ходимнинг Ф.И.Ш.)

АРИЗА

Менга, Соғлиқни сақлаш вазирлиги тизимидаги давлат тиббиёт ташкилотларининг онкология йўналиши мутахассисларини хорижий мамлакатларнинг етакчи тиббиёт ва илмий муассасаларга малака ошириш ва қайта тайёрлаш бўйича эълон қилинган танловда қатнашишга ружсат беришингизни сўрайман.

Сана ходимнинг имзоси

## ОБРАЗЕЦ

Министру здравоохранения  
Республики Узбекистан  
А. Ш. Иноятову  
от сотрудника Республиканского  
специализированного  
научно-практического медицинского  
центра онкологии и радиологии

(Ф.И.О. сотрудника)

## ЗАЯВЛЕНИЕ

Прошу Вас разрешить мне участвовать в конкурсе для специалистов по направлению онкологии для повышения квалификации и переподготовки в ведущих медицинских и научных учреждениях зарубежных стран.

Дата подпись сотрудника

Давоми 6,7,8 - бетларда▶

## ХАЛҚАРО ҲАМКОРЛИК

ТАЖРИБА ВА АМАЛИЁТ ТИББИЁТНИНГ  
МУҲИМ ПОЙДЕВОРИДИР

Ана шундай мақсадли ҳамкорлик фаолиятларини янада ривожлантириш мақсадида 2023 йилнинг 7-19 апрель кунлари Республика ихтисослаштирилган травматология ва ортопедия илмий-амалий тиббиёт маркази ҳамда Бухоро давлат тиббиёт институти ва “Эзгу ният” хусусий клиникаси мутахассислари Италиянинг Равенна шаҳридаги «Santa Maria delle Croci» госпиталида малака ошириб қайтдик.

лари олингандан кейин суяк нуксонлари пайдо бўлиши ва буларни тўлдирилиши тўғрисида батафсил тўхталинди. Тизза бўғимини робототехника ёрдамида бажарилган эндопротезлашда эса бундай каби камчиликларни кам учраши кузатилганлиги айтиб ўтилди. Семинарлар савол-жавоблар асосида кизгин мунозаралар

Шунингдек, профессор Alberto Bellutti томонидан “Чанок-сон бўғимини реэндопротезлаш” ва “Болалар ва ўсмирларда яссиоёқликни оператив даволаш усуллари” мавзусида маърузалар ўқилди ва жарроҳлик амалиётига борадиган беморларни муҳокамаси бўлди ва унда ҳам иштирок этдик. Чанок-сон

кўригида қатнашиб, операция олди текшириш режаси ва ўтказилган лаборатор-инструментал текширувлар билан танишидик. Шу билан бирга профессор Alberto Bellutti билан биргаликда 2 нафар беморда чанок-сон бўғимини реэндопротезлаш ва 3 нафар беморда яссиоёқликни тўғрилаш жарроҳлик амалиётларида иштирок этдик. Шу куни “Santa Maria delle Croci” клиникаси ва Республика ихтисослаштирилган травматология ва ортопедия илмий-амалий тиббиёт маркази ўртасида ҳамкорликка келишилди ва “Santa Maria delle Croci” госпитали директори Dr. Tiziano Carradori билан марказимиз ўртасида ҳамкорлик меморандуми имзоланди. Ўқув курси якунлагач, дипломларни бериш тақдими бўлиб ўтди. Ташриф давомида Италиянинг Милан шаҳридаги “Gruppo Bioimpianti” компаниясининг эндопротезлар ишлаб чиқарадиган заводи фаолияти билан танишидик. Завод директори Fabio Bedini томонидан “Gruppo Bioimpianti” компаниясининг маҳсулотлари ҳақида маъруза қилинди. Мазкур компания заводи эндопротезлар чиқариши бўйича Италияда энг йирик ишлаб чиқариш қувватига эга бўлган машҳур корхоналардан бири ҳисобланар экан.. Йилига 10 000 дан ортик турли хилдаги травматология ва ортопедия соҳасидаги маҳсулотларни ишлаб чиқаради ва 50 та давлатга экспорт қилади, шу жумладан Ўзбекистонга ҳам. Завод асбоб ускуналари тўлиқ роботлашган, ишлаб чиқаришдаги инсон омили минимал даражада, маҳсулот хом ашёси турли давлатлардан олиб келинади.



Мазкур хизмат сафарида Республика ихтисослаштирилган травматология ва ортопедия илмий-амалий тиббиёт маркази директори, тиббиёт фанлари доктори, профессор М. Ирисметов, жароҳатлар оқибати бўлими мудири, тиббиёт фанлари номзоди Ш. Мирзаев, катталар травматологияси бўлими мудири, тиббиёт фанлари доктори, А. Алимов, Бухоро Давлат тиббиёт институти травматология ва ортопедия кафедра мудири, тиббиёт фанлари доктори В. Акрамов, “Эзгу ният” хусусий клиникаси травматолог-ортопеди С. Ибрагимовлар иштирок этиб ҳамкор ҳамкасбларимиз билан тажриба алмашиб қайтдик.

Ташрифимизнинг биринчи куни Италиянинг Равенна шаҳридаги «Santa Maria delle Croci» госпитали ҳамда госпиталдаги травматология ва ортопедия бўлимини фаолияти билан танишиб чиқдик. Маълумот ўрнида айтишим муҳимки, «Santa Maria delle Croci» госпиталидаги 500 ўринга эга бўлган кўп тармоқли давлат касалхонаси ҳам шошилинч ҳам режали тиббий ёрдамни амалга оширади. Госпиталнинг травматология ва ортопедия бўлимини раҳбари профессор Alberto Bellutti экан. У бошқараётган травматология ва ортопедия бўлими 40 та ўринга эга бўлиб, Италиянинг травматология-ортопедия соҳасининг энг нуфузли

даволаш муассасалари каторига киради, бу ерда 1000 га яқин бирламчи эндопротезлаш, 300 та реэндопротезлаш, 500 дан ортик суякларни синишиларида турли хилдаги остеосинтезлар (интрамедуляр блокловчи штифт, МIPO minimally invasive plate osteosynthesis, ўчоқдан ташқари остеосинтез, оёқ ва қўл камарларини йирингли жараёнларида суякларни металл мосламалари билан фиксациялаш) бажарилади. Ҳозирги кунда профессор Alberto Bellutti томонидан 4000 та реэндопротезлаш жарроҳлик амалиётлари бажарилган.

Ташрифимиз давомида “Santa Maria delle Croci” госпиталида профессор Alberto Bellutti томонидан “Тизза бўғимини робототехника ёрдамида эндопротезлаш”, “Тизза бўғимини реэндопротезлаши” мавзусидаги маърузалар тингланди. Семинарда тизза бўғимини эндопротезлашда эндопротез компонентларини суяк юзаларига мустаҳкам цемент асосида ёпишишига, суяк кесилиши эндопротез компонентига мос келиши кераклиги, акс ҳолда ҳосил бўлган кемтикларда цемент ёрилиши оқибатида эндопротез компонентини силжишига, яъни ностабилликка олиб келиши, бундан кейин шу бўғимни қайта операцияси ёки реэндопротезлаш амалга оширилиши, бу эса эндопротез компонент-

тарзида бўлиб ўтди. Тақдим этилган маърузалар шу мавзуга бағишланган бўлиб замонавий ортопедиянинг долзарб муаммоларидан ҳисобланади. Клиника бу масалалар бўйича улкан тажрибага эга ҳисобланади. Таъкидлашим муҳимки, профессор Alberto Bellutti томонидан ўқилган маърузалар бўйича жарроҳлик амалиётларида қатнашидик. Биринчи амалиёт тизза бўғимини робототехника ёрдамида эндопротезлаш, кейинги беморда тизза бўғимини ривожланган ностабиллиги туфайли қайта операцияси, яъни реэндопротезлаш, учинчи амалиёт диспластик коксартроз билан касалланган беморга Dualis икки мобилликка эга бўлган чанок-сон бўғимини эндопротезлаш системасини ўрнатиш каби юқори технологик жарроҳлик амалиётлари намойиш этилди. Амалиётлардан сўнг клиникага ётқизилган 4 нафар оғир беморларни кўриги ва клиник муҳокамаларида қатнашидик. Биринчи бемор сон суягининг патологик синиши (метастаздан), кейинги 10 ёшли бемор икки томонлама сон суягининг эпифизеолизи, учинчи бемор тизза бўғимини боғлам аппаратининг тотал ностабиллиги билан ва охириги бемор кўп сонли суякларни шикасти ва бош мия жароҳати билан кома ҳолатида эди.

бўғимини эндопротезлашда худди тизза бўғимини эндопротезлашда каби эндопротез компонентларини ностабиллиги кўп учраётганлиги, айниса, носпецифик инфекция оқибатида келиб чиқадиган асоратлар каби масалалар айни кунда ўз ечимини ҳали ҳам охиргача топа олмаётганлиги тўғрисида айтилди. Шу билан биргаликда болаларда ва ўсмирларда кенг тарқалган яссиоёқлик касаллигини кам инвазив жарроҳлик усуллари билан даволаш ва юришини чекламай яссиликни тўғрилаш жуда юқори касбий кизиқиш ўйотди. Шундан сўнг, жарроҳлик амалиётига борадиган чанок-сон бўғимини эндопротезлашдан кейин компонентларни ностабиллиги билан, иккинчи бемор елка суягининг одатий чиқиши билан сўнгги бемор яссиоёқлик билан бўлган 3 нафар беморни

*Хулоса ўрнида айтишим жоизки, республикамизда бўғимларни эндопротезлаш усули кенг миқёсда бажарилганлиги туфайли, эндоротезларни қайта қилиш амалиётига зарурат кўпаймоқда, шундан дунёдаги бу соҳа бўйича илгор бўлган давлатларда малака ошириш ва махсус имплантларни мамлакатимизга олиб кириш давр талаби деб қабул қилишимиз керак деб ўйлайман. Болаларда эса яссиоёқликда қўлланилаётган кам инвазив самарали усулини ҳозирги кунда муҳтож бўлган беморларга кенг қўлланилиши айтиш мумкин деб ҳисоблайман.*

**Муроджон ИРИСМЕТОВ,**  
Республика ихтисослаштирилган  
травматология ва ортопедия илмий-амалий  
тиббиёт маркази директори, профессор.

**ХУСУСИЙ КЛИНИКАЛАР ФАОЛИЯТИДАН**

**Пойтахтимиздаги тиббий хизмат ва диагностикага мўлжалланган, ихтисослашган замонавий тиббиёт маркази “HAPPY LIFE” (“Бахтли ҳаёт”) хусусий клиникаси Юнусобод туманининг 19- мавзесида жойлашган.**

“HAPPY LIFE” замонавий кўп тармоқли тиббиёт маркази 2019 йилда Наврўз умум-халқ байрами арафасида фойдаланишга топширилган. Бу ерда 110 га яқин иш ўринлари яратилган. Марказда отоларингология, офтальмология, педиатрия, юз-жағ жарроҳлиги, умумий онкология, неврология, терапия, тери-таносил касалликлари каби жами 23 та йўналиш мавжуд. Ушбу масканда 250 нафар беморга хизмат кўрсатувчи поликлиника ва 80 дан зиёд ўринга эга даволаш бўлими фаолияти йўлга қўйилган. Тиббиёт марказининг қурилиши ва жиҳозланиши учун давлатимиз томонидан 15 миллиард сўм инвестиция киритилганлиги эътиборга лойиқдир. Мазкур масканда умумий хирургия, реанимация, даволаш бўлимлари фаолият кўрсатиб, улар дунё амалиётидаги энг замонавий тиббиёт жиҳозлари билан таъминланган.



ни ислох қилиш учун жуда катта ишлар амалга оширилмоқда, - дейди профессор Шавкат Амонов. - Аҳоли саломатлиги йўлида, уларнинг чет элга катта харажат қилиб бориб келмасликлари учун юрак, жигар, буйрак, ЛОР ва бошқа жиддий операцияларни республикамизда ўтказиш зарурлиги учун катта миқдордаги хорижий инвестициялар жалб этилмоқда. Натижада, тиббиётнинг барча йўналишлари бўйича замонавий турдаги хусусий клиникалар барпо этилмоқда. Врачларимизнинг малакасини ошириш учун уларни хориж давлатларининг етакчи клиникаларига малака ошириш (стажировка)ларга жўнатилмоқда.

Шулар билан бир қаторда мамлакатимизда замонавий оториноларингология ҳам сезиларли даражада ривожланди. Бутун республика бўйлаб тиббиёт муассасаларининг ЛОР бўлимла-

рациялар мисол бўла олади. Чет элда бундай операциялар 25-30 минг долларни ташкил қилади. Хориждан келаётган меҳмонлар, соҳа мутахассислари биз амалда қўллаётган операцияларни кўриб ҳайратга тушишмоқда. Буларни кўриб қалбларимизда фахр туйғуси тўлиб тошади.

**Мохигул МИРЗАЕВА, Сурхондарё вилояти, Денов туманидан:**



та профессор Шавкат Амоновдан маслаҳат олишимизни тавсия қилишди.

**Талхат ШУБНАЗАРОВ, Қозоғистон Республикаси, Ақтобе шаҳридан:**



- 2015 йилдан буён бошим оғриди. Бурнимдан нафас олишга қийналаман. Бурун бўшлиғимда йиринглар азоб берарди. Ўзбекистондаги танишим замонавий тиббиёт маркази

**ХОРИЖЛИК ҲАМКАСБЛАР ҲАЙРАТГА ТУШИШМОҚДА**

*“HAPPY LIFE” клиникасида Тошкент педиатрия тиббиёт институти талабалари учун 10 дан ортиқ ўқув хоналари ажратилган бўлиб, улар талабалар, магистрлар ва клиник ординаторларга амалиёт вазифасини ўтаб бermoқда*

Эрталабдан ушбу шифо маскани республикамизнинг турли бурчақларидан келган беморлар билан гавжум бўлади. Улар орасида қўшни давлатлар: Қозоғистон, Тожикистон, Туркменистон ва Қирғиз Республикаси фуқоралари ҳам бор. Беморларга бу ерда малакали врачлар маслаҳат беришади. Шулардан бири Ўзбекистонда хизмат кўрсатган соғлиқни сақлаш ходими, Фан ва техника соҳасида Давлат мукофоти лауреати, тиббиёт фанлари доктори, профессор Амонов Шавкат Эргашевичдир.

Сўнги пайтларда мамлакатимизда Президент Шавкат Мирзиёев раҳбарлигида тиббиётимиз-



**ҲАЛОҲЛИК МАРТАБАНИ БЕЗАЙДИ**



Шавкат Амонов, Бухоро вилоятининг Жондор туманида туғилган. Тиббиёт фанлари доктори, профессор. У 300 дан ортиқ илмий ишлар ва 8 та патент соҳиби, кўплаб илмий нашрлар, олий ўқув юртлари талабалари учун “Болалар оториноларингологияси” ўқув дарслиги, учта монография, 15 дан ортиқ услубий кўрсатмалар ва 10 га яқин рационализаторлик таклифлари муаллифи. 2010 йилдан ТошПТИ ЛОР касалликлари кафедраси мудири.

1992 йилда тиббиёт фанлари доктори, профессор С. Ҳасанов, Ўзбекистон Тиббиёт фанлари академияси академиги Т. Даминов илмий раҳбарлигида “Сурункали гепатит “Б” билан касалланган болаларда сурункали тонзиллит” мавзусида номзодлик диссертациясини ҳимоя қилган.

2000 йилда эса тиббиёт фанлари докторлари, профессорлар С. Ҳасанов ва А. Мажидовлар илмий раҳбарлигида “Болаларда сурункали йирингли ўрта отитни жарроҳлик йўли билан даволаш самарадорлигини ошириш” мавзусида докторлик диссертациясини ҳимоя қилган. Оториноларингологияда биринчи марта мастоидопластика учун минералсизлантирилган кўзичоқ суягидан фойдаланишни ишлаб чиққан ва амалиётга жорий қилган.

Профессор Шавкат Амонов, Россиянинг Москва ва Санкт-Петербург шаҳарларидаги етакчи оториноларингология клиникаларида, Киев шаҳридаги А. И. Колодийченко номидаги Украина Оториноларингология институтида, Польшадаги Жаҳон эшитиш маркази, Физиология ва патология институтларида малакасини оширган. Шунингдек, у Оториноларингологларнинг жаҳон ва Европа конгрессларида илмий маърузалар билан қатнашган. Мутахассислиги бўйича Россия, Украина, Белорусь Республикаси ва Ўзбекистондаги етакчи журналлар тахририяти аъзоси.

ри модернизация қилинаётганлиги ва таъмирланаётганини алоҳида таъкидлаб ўтиш зарур. Давлат бюджети маблағлари ҳисобидан моддий-техник базаси мустаҳкамланиб, ЛОР операциялари учун янги жиҳозлар ва зарур воситалар келтирилмоқда. Мазкур ускунадан фойдалана оладиган, аҳолига тегишли хизматлар кўрсата оладиган юқори малакали мутахассисларни тайёрлаш йўлга қўйилмоқда.

Бугунги кунда бизнинг “HAPPY LIFE” тиббиёт марказимизда ҳам ЛОР аъзолари хасталиklarини диагностикаси қилиш ва уларнинг эндоскопик ташхисоти учун барча шароитлар яратилган. Микро ва эндоскопик жарроҳлик асбоб-ускуналари, видеоаппаратлардан фойдаланган ҳолда ЛОР патологияларини даволашнинг замонавий усуллари кенг қўлланиб келинмоқда. Шунини алоҳида таъкидлаш жоизки, мазкур клиникада Тошкент педиатрия тиббиёт институти билан ҳамкорликда талабалар учун 10 дан ортиқ ўқув хоналари ажратилган бўлиб, бу ўз навбатида талабалар, магистрлар ва клиник ординаторларга оториноларингология циклини ўргатишда катта тажриба вазифасини ўтаб бermoқда.

Буларнинг эвазига илгарилари фақат хорижда амалга оширилган юқори технологияли, мураккаб операцияларни эндиликда республикамиздан чиқмай туриб амалга ошириш имконияти пайдо бўлди. Буларга бурун бўшлиғи ва паранасал синусларнинг эндоскопик операциялари, ҳикилдов ва ҳалқумнинг микрожарроҳлик операциялари, кулоқдаги реконструктив ва тикловчи ҳамда эшитишни яхшиловчи каби опе-

- Ўғлимни олиб келдим. Кулоғи яхши эшитмайди. Вилоятимизда бир неча бор операция қилишди, фойдаси бўлмади. Шифо олда профессор Шавкат Амонов олдиға келдик. Бу кишининг хурмати вилоятларда жуда баланд. Мактабда ўқиб юрганларидак врач тоғасининг ёнида юриб беморларга биринчи ёрдамни кўрсатган.

**Хайрулло ХЎЖАНИЁЗОВ, Қорақалпоғистон Республикаси, Тўртқул туманидан:**



- Опамни олиб келдим. Опамнинг бурнида шамоллаш бор. Нафас олишга қийналади. Нукус онкология Марказидаги врачлар менга пойтахтдаги замонавий тиббиёт маркази “HAPPY LIFE”га мурожаат қилиб, албат-

“HAPPY LIFE” ҳақида гапириб берди. У менга Ўзбекистон Республикасида кўзга кўринган профессор Шавкат Амоновга учрашимни маслаҳат берди.

Профессор МСКТ хулосаларини диққат билан текширди. Ёрдамчиларига нималарнидир тушунтирди. Кейин мендан МСКТ жараёнлари ёзилган лазер дискни сўради. Уни компьютерда обдон текшириб, икки томонлама полипоз полисинусит борлигини ва буни фақат жарроҳлик йўли билан ҳал қилиш мумкинлигини айтди. Мен операцияга рози бўлганимдан сўнг анализлар топширишимни ва эртагаёқ операция қилишим мумкинлигини айтди. Менга “HAPPY LIFE” клиникасида анализлар топширишдан тортиб, операцияга тайёрлаш, жарроҳлик жараёни ва реанимация (жонлантириш) гача бўлган жараёнда майда деталларгача эътиборга олингани жуда ёқди. Кўкрак қафасим рентгени, ЭКГ кўрсатмалари, терепавт текширувлари ва бир неча турдаги кон таҳлиллари энг сўнги замонавий аппаратларда малакали мутахассислар билан текширилди. Қозоғистон Республикасида бу каби операциялар анча қиммат туради.

*Хулоса ўрнида шунини айтиши мумкинки, Давлатимиз томонидан хусусий тиббиёт клиникаларига қаратилаётган эътибор ўз мевасини бера бошлади. Замонавий “HAPPY LIFE” клиникасида амалга оширилаётган ишлар бунга ёрқин мисол бўла олади. Шунинг учун бу ерда соғлигини тиклаш истагида бўлган беморларнинг сони кун сайин ошиб бermoқда. Профессор Шавкат Амонов раҳбарлигидаги малакали тиббиёт каорлар эса мижозларнинг ҳар бир истаklarини инобатга олиб уларнинг эсонлигига аро қиришмоқдалар.*

**Нарзулла ҲАМРОЕВ.**

## •ДИЛ ИЗХОРИ•

Мен авваломбор, ўз миннатдорлигимни Ўзбекистон Республикаси Президенти Шавкат Мирзиёевга билдираман. Кейинги йилларда уларнинг ташаббуси билан юртимиздаги шифо масканлари янгича кифо кашф этиб, беморлар учун кенг имкони-



## Қалб ташаккурим сизларга



натдорман. Тиббиёт муассасасининг бош шифокори Гулнора Кенжаева, ўринбосари Очақиз Усмонова ҳамда неврология бўлимининг бошлиғи Л. Фатхул-



ятлар яратилди. Малакали тиббиёт ходимлари томонидан беморларга сифатли тиббий хизмат ёрдами кўрсатиб келинмоқда. Айниқса, давога муҳтож бўлган яъни имтиёзга эга бўлган фуқароларнинг даволаниши учун берилётган имкониятлар барчамизни қувонтирмоқда. Соғлигимни тиклаш мақсадида пойтахтимиздаги шифо масканларида даволаниб чиқаман. Биринчи гуруҳ ногирони бўлганлигим сабабли, имтиёзим бор. Ҳар йили Тошкент шаҳар соғлиқни сақлаш бошқармаси тасарруфидаги 5-шаҳар клиник шифохонасида бепул тиббий хизмат олиш имкониятига эгаман. Айниқса, клиник шифохонада фаолият олиб бораётган беморлар дардига нажот бахш этаётган жамоа ходимлари меҳнатидан мин-

лаева, хирургия бўлимининг бошлиғи К. Ахроров, катта ҳамшира Л. Тожибоева, интенсив терапия бўлими бошлиғи Т. Очилов, қабул бўлими бошлиғи И. Абдуалибекова, кардиолог-врач Ш. Латипов, ва бир-биридан чаққон ҳамширалар, физиотерапия бўлими ва кичик тиббиёт ходимлари, хўжалик бекаси, ошпазлар ҳамда барча жамоа ходимлари меҳнатидан гоят мамнунман. Ушбу шифо масканининг ҳар бир шифокору, ҳамшираси, коллаверса, барча ходимларига мазкур газета орқали ўзимнинг яна бир бор дил ташаккуримни билдириб, уларнинг масъулиятли ва шарафли касбларига ривожлар тилаб қоламан.

Уйда бемор бўлиб ётганида авваломбор, аҳволдан биринчи бўлиб, бирламчи тизимда фаолият юритаётган ходимлар хабар олар экан. Имкониятим чекланганлиги сабабли, Юнусобод тумани тиббиёт бирлашмасига қарашли 54 оилавий поликлиника ходимлари, да-



## Улар меҳнати таҳсинга лойиқдир



воловчи шифокор ва ҳамширалар саломатлигимни доимий назорат қилишади. Уйимда даво муолажаларини олиб боришади. Шу ўринда айтмоқчиманки, жамоа ходимларининг менга кўрсатаётган сифатли тиббий хизматларидан хурсандман. Аввало, тиббиёт муассасасида фаолиятларини самарали йўлга қўйган, ходимлар малакасини ошириб, аҳолига сифатли тиббий хизмат кўрсатишда катта ҳисса қўшаётган поликлиниканинг бош шифокори Дилфуза Абдурахмоновага алоҳида миннатдорлик билдираман. Айниқса, худудимиз шифокори Камола Мухаммадалиева, невропатолог Лола Абдуллаева, поликлиника мудираси Шоира Ашурова, хирург Нарзиқул Бобоев, катта ҳамшира Гулчехра Махманова каби шифокор ва

ҳамширалар кўрсатган сифатли тиббий хизматдан розиман. Уларга ўзимнинг чексиз ташаккуримни билдираман.

Шу ўринда саломатлигимдан доимий хабардор бўлиб турган Юнусобод тумани тиббий ижтимоий хизматларни ривожлантириш бўлимининг ижтимоий ходими Шахноза Ғуломованинг меҳнатларини ҳам алоҳида тилга олиб ўтмоқчиман. Шахнозага ҳам қалбимдаги дил изхоримни билдириб, доимо соғ-саломат бўлишини истаб қоламан.

**Халқимиз бахтига тиббиёт ходимларимиз омон бўлишсин. Улар меҳнати таҳсинга лойиқдир.**

### И. ПЯГАЙ, Тошкент шаҳри

#### ◀ Давоми. Боши 3 - бетда

Ўзбекистон Республикаси Соғлиқни сақлаш вазирлигининг Иқтидорли ва малакали тиббиёт мутахассисларини қўллаб-қувватлаш ҳамда тиббиёт муассасаларига жалб қилиш жамғармаси фаолиятини амалга ошириш бўйича Ишчи комиссиясининг 2022 йил 27 июндаги 3-сон баёнига  
1-илова

**Жамғарма маблағларидан фойдаланиш мақсадида хорижда малака ошириш (стажировка), қайта тайёрлаш, хориждан малакали мутахассисларни таклиф этиш, иқтидорли мутахассисларни рағбатлантириш бўйича номзодларни саралаш ТАРТИБИ**

#### Умумий қондалар

1. Ушбу тартиб соғлиқни сақлаш тизимидаги давлат тиббиёт ташкилотларининг (кейинги ўринларда-Буюртмачилар), тиббиёт фармацевтика мутахассисларини (кейинги ўринларда-мутахассислар) хорижда малака ошириш (стажировка), қайта тайёрлаш таълим дастурлари (кейинги ўринларда-таълим дастурлари) бўйича номзодларни очик саралаш танловини ташкил этиш, Жамғарма маблағларидан фойдаланиш учун номзодлардан ҳужжатларни қабул қилиш, давлат тиббиёт муассасаларида фаолият юритувчи иқтидорли ва малакали мутахассисларни рағбатлантириш, хориждан малакали мутахассисларни таклиф этиш, хорижда малака ошириш (стажировка), қайта тайёрлаш якуни бўйича ҳисобот тақдим этиш, уларнинг билим ва кўникмаларини амалиётга жорий қилиш тартибини белгилайди. Мутахассисларни хорижда малака ошириш (стажировка), қайта тайёрлаш таълим дастурлари бўйича юбориш хизмат сафарига тенглаштирилади.

#### Жамғарма маблағларидан фойдаланиш учун номзодлардан ҳужжатларни қабул қилиш

2. Хорижда малака ошириш (стажировка), қайта тайёрлашга жалб қилиш ва юбориш учун очик саралаш танлови аризалар келиб тушиши ва йиғилишига қараб, календар йил давомида даврий равишда, аммо бир йилда камида икки мартаба ўтказилади.
3. Хорижда малака ошириш (стажировка), қайта тайёрлашга юбориш очик саралаш танлови асосида амалга оширилади.
4. Жамғарма маблағларидан оқилона фойдаланиш мақсадида хорижда малака ошириш (стажировка), қайта тайёрлаш, хориждан малакали мутахассисларни таклиф этиш, иқтидорли мутахассисларни рағбатлантириш бўйича номзодларни саралаш схемаси 1-иловага мувофиқ амалга оширилади.
5. Танловда таълим дастури ва ҳужжатларни тақдим этиш муддати тугагандан сўнг тақдим этилган ҳужжатлар кўриб чиқилмайди. Бироқ рўйхат тасдиқлангандан сўнг танлов ғолиби айрим сабабларга кўра хорижда малака ошириш (стажировка), қайта тайёрлашда иштирок этишни рад этса, унинг ўрнига шу мутахассислик бўйича тасдиқланган харажат маблағлар ҳисобига танловда ундан кейинги юқори балл тўплаган мутахассис киритилади.
6. Номзодлар куйидаги ҳужжатлар йиғиндисини электрон шаклда вазирликнинг электрон почта махсус манзилига юборадилар:
  - паспорт нусхаси;
  - олий ва ўрта махсус таълим муассасасини тугатганлигини тасдиқловчи дипломнинг нусхаси, гувоҳнома нусхаси (клиник ординатура) ва/ёки илмий даражаси (фан номзоди, PhD ва фан доктори, DcS), илмий унвонини (катта илмий ходим, доцент, профессор) тасдиқловчи диплом(лар)нинг нусхаси, агар мавжуд бўлса;
  - хорижий тиллардан билим даражасини белгиловчи амалдаги миллий ёки халқаро сер-



**Жамгарма маблағларидан фойдаланиш мақсадида хорижда малака ошириш (стажировка), қайта тайёрлаш, хориждан малакали мутахассисларни таклиф этиш, иқтидорли мутахассисларни рағбатлантириш бўйича номзодларни саралаш тартибига 2-илова**

**Хорижда малака ошириш (стажировка), қайта тайёрлаш бўйича ходимларни саралаш мезонлари. Умумий балл: 100 бал**

1.	Олий таълим олганлиги (диплом)	15*
1.1	Республика таълим муассасасида	5
1.2	Хорижий таълим муассасасида	10
2.	Охирги уч йилда малакасини оширганлиги*	10*
2.1	Республика таълим муассасасида	5
2.2	Хорижий таълим муассасасида	5
2.3	Малака оширмаган	0
3.	Хорижий тилни билиш даражаси	30*
3.1	Инглиз тилини билиши (сертификатга эга)	10
3.2	Инглиз тилини билиши (сертификатсиз)	5
3.3	Рус тилини билиши (сертификатга эга)	10
3.4	Рус тилини билиши (сертификатсиз)	5
3.5	Бошқа тилларни билиши (немис, француз, турк)	10
4	Тиббиёт ва фармацевт мутахассисининг меҳнат стажи	10*
4.1	2 йил	3
4.2	5 йил	5
4.3	10 йилдан юқори	10
5.	Конференция, семинар, вебинарларда маъруза билан қатнашиш (охирги бир йил)	25*
5.1	Халқаро конференция, семинар, вебинарларда	10
5.2	Республика конференция, семинар, вебинарларда	10
5.3	Иштирокчи сифатида (маърузасиз)	5
6.	Давлат мукофотлари	10*
	Жами	100

**Мутахассисларни хорижий тиббий таълим ва илмий ташкилотларга (марказлар, университетлар ва бошқалар) малака ошириш (стажировка), қайта тайёрлашга юбориш режаси**

Т/р	Фамилияси, исми, отасининг исми	Тутилган йили	Мутахассислиги	Иш жойи ва лавозими	Хорижий тилни билиш даражаси	Уқишнинг мақсад ва вазифалари (асослаб бериш)	Ўқиш жараёни ўтказиладиган давлат, қабул қилувчи ташкилотлар	Хорижий ташкилотнинг малака ошириш, (стажировка), қайта тайёрлаш дастури номи	Стажировка давомийлиги	Стажировка учун талаб этиладиган маблағлар				Кутипаётган тижалар
										Транспорт	Кунлик харажати	Яшаш ижойи	Ўқув циклининг тулов-контракт миқдори	
1										10				11
2...														

Изоҳ. Стажировка учун талаб этиладиган маблағлар устуни маълумотлари даволаш профилактика ташкилотлар бухгалтерия ҳисоби ходимлари томонидан тўлдирилади.

*Жамгарма маблағларидан фойдаланиш мақсадида хорижда малака ошириш (стажировка), қайта тайёрлаш, хориждан малакали мутахассисларни таклиф этиш, иқтидорли мутахассисларни рағбатлантириш бўйича номзодларни саралаш тартибига 4-илова*

**Республикага етакчи хорижий тиббиёт ҳамда илмий муассасалардан малакали мутахассисни жалб этиш бўйича мезонлар**  
Умумий балл: 100 бал

1	Мутахассислиги бўйича жамият, ассоциация аъзоси	10
2	Хирш индекси 4 дан кам эмас	40
3	PhD	10
4	DSc	20
5	Топ 1000 лик ОТМ да фаолият юритиши	20
	<b>Жами</b>	<b>100</b>

\*Соҳада хорижий мутахассисга эҳтиёж мавжуд бўлганда Ишчи комиссия қарори асосида таклиф этилади.

*Жамгарма маблағларидан фойдаланиш мақсадида хорижда малака ошириш (стажировка), қайта тайёрлаш, хориждан малакали мутахассисларни таклиф этиш, иқтидорли мутахассисларни рағбатлантириш бўйича номзодларни саралаш тартибига 5-илова*

**Иқтидорли ва малакали мутахассисларни рағбатлантириш мезонлари**  
Умумий балл: 100 бал

1.	Хорижда таълим олганлиги	25*
1.1	бакалаврият	3
1.2	магистратура	4
1.3	клиник ординатура	3
1.4	PhD	5
1.5	DSc	6
1.6	қайта тайёрлаш	2
1.7	малака ошириш	2
2.	Хорижий тилни билиш даражаси	15*
2.1	Тил билиши (сертификатга эга)	10
2.2	Тил билиши (сертификатсиз)	5
3.	Тиббиёт ва фармацевт мутахассисининг малака тоифаси	15*
3.1	тоифасиз	0
3.2	2 тоифа	5
3.3	1 тоифа	10
3.4	олий тоифа	15
4.	Охирги 3 йилда республиканинг таълим муассасаларида 144 соатлик умумий малакасини оширганлиги	10*
5.	Конференция, семинар, вебинарларда маъруза билан қатнашиш (охирги бир йил)	25*
5.1	Халқаро конференция, семинар, вебинарларда	10
5.2	Республика конференция, семинар, вебинарларда	10
5.3	Иштирокчи сифатида (маърузасиз)	5
6.	Давлат мукофотлари	10*
	Жами	100

*Жамгарма маблағларидан фойдаланиш мақсадида хорижда малака ошириш (стажировка), қайта тайёрлаш, хориждан малакали мутахассисларни таклиф этиш, иқтидорли мутахассисларни рағбатлантириш бўйича номзодларни саралаш тартибига 6-илова*

**Малака ошириш самарадорлигини ўрганиб бориш бўйича хорижда малакасини ошириш (стажировка), қайта тайёрлашдан ўтган мутахассисларнинг ҲИСОБОТИ**  
Умумий балл: 100 бал

1.		Тиббиёт ташкилотлари номи
1.1		Мутахассиснинг Ф.И.Ш.
1.2		Малака оширган тиббиёт ва илмий муассасаси номи
1.3		Ўзлаштирилган юқори технологик тиббиёт диагностика, даволаш усули
2.	Мутахассиснинг билим ва кўникмаларини амалиётга жорий қилиш	
2.1	Хорижда малакасини оширган ва стажировкадан ўтган мутахассиснинг билим ва кўникмаларини амалиётга жорий этиш, улар иштирокида:	30*
2.1.1	маҳорат дарсларини ташкил этиш (сони)	15
2.1.2	вебинарлар ва бошқа тадбирлар ташкил этиш (сони)	15
2.2	Ўзлаштирилган юқори технологик тиббиёт диагностика/даволаш усулини ўзининг ташкилотидан тадбиқ этиш.	30*
2.2.1	юқори технологик тиббиёт диагностика (номи)	15
2.2.2	юқори технологик тиббиёт даволаш (номи)	15
2.3	Ўзлаштирилган юқори технологик тиббиёт диагностика/даволаш усулини ҳудудий тиббиёт ташкилотларида тадбиқ этиш.	40*
2.3.1	юқори технологик тиббиёт диагностика (номи)	20
2.3.2	юқори технологик тиббиёт даволаш (номи)	20
	Жами	100

Мутахассис \_\_\_\_\_ (Ф.И.Ш.) (имзо)

Муассаса раҳбари \_\_\_\_\_ (Ф.И.Ш.) (имзо)



**Газета муассиси:**  
**Ўзбекистон Республикаси**  
**Соғлиқни сақлаш вазирлиги**

ISSN 2010-6149.  
Электрон манзилими: www.uszsgzt.uz

Бош муҳаррир  
**Амрилло ИНОЯТОВ**  
Бош муҳаррир ўринбосари  
**Ибодат СОАТОВА**

Газета ўзбек ва рус тилларида чоп этилади. Ҳафтанинг пайшанба кунлари чиқади. Мақолалар кўчириб босилганда "O'zbekistonda sog'liqni saqlash – Zdravooxranenie Uzbekistana" газетасидан олинди деб кўрсатилиши шарт. Таҳририятга келган кўлёмалар тақриз қилинмайди ва муаллифга қайтарилмайди.

Газета 2009 йил 11 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0015–рақами билан рўйхатга олинган.

Газета таҳририят компьютер марказида терилди ва саҳифаланди. Саҳифаловчи: Нарзулла Ҳамроев  
**Таҳририят манзили:** 100060, Тошкент шаҳри, Истикбол кўчаси, 30 уй, 2–қават. Тел/факс: (71)233–13–22, тел.: (71)233–57–73.  
Газета "Шарқ" нашриёт-матбаа акциядорлик компанияси босмаҳонасида чоп этилди.  
**Корхона манзили:** Тошкент шаҳри, Буюк Турон кўчаси, 41 уй/Тел/факс: (71)233–11–07.

Газета ҳажми  
**2 босма табоқ.**  
Формати А3. Офсет усулида чоп этилган.

Адади - 720 дона.  
Буюртма рақами Г-435.

Босмаҳонага топширилиш вақти:  
21-00. 3 4 5 6 7  
Топширилди 20-00.